

退補齋詩存二編

退補齋詩存二編目錄

卷四

古體詩

戊寅仲春三日梁敬叔觀察雅集寓廬暢飲竟夕

誌謝話別

題風木庵圖爲竹舟松生昆仲敬賦

吳丈筠軒開鐵華詩社第一集分韻得禁字

謁南屏張忠烈公墓鐵華第三集

鐵華第六集吳子修孝廉以應方伯適園紅樹命

題分得於字

聞途放歌

詠鷺

詠翁蘭畦素心瑞蘭圖

七夕日楊雪滄舍人贈黯淡灘石硯並寵以詩次

韻奉謝

南臺詠

辛巳暮春生日自訟

退補齋詩存二編卷四

戊寅己卯庚辰辛巳

古體詩

永康胡鳳丹月樵

戊寅仲春三日梁敬叔

恭辰

觀察約江小雲

清驥

方伯秦澹如

細業

都轉鄧雲泉

文瑛

大令張杏

邨廷璜

徐小海

寶葵

兩貳尹二世兄濟灣

傳年

司馬及余八人雅集寓廬音歌競作暢飲竟夕

賦此誌謝并以話別

千金結客車馬填酒龍詩虎相流連不分廊廟與泉石  
我我東閣開瓊筵客歲與君初握晤瀝膽披肝見如故

異地神交將十年爲有通仙達情懷

林穎叔嘗道及君家盛事蓋與君亦

姻親也

翩翩佳公子落落大丈夫圖畫與金石不肯較錙

銖名花許共賞美酒不須酤君曰我與爾嗜好一無殊

今日同爲逆旅客長嘯一聲天地窄主人下令詩與歌

不詩不歌浮大白我與秦彭不解音

謂秦都轉

指下空彈無

絃琴文通善詩兼善曲忍聽南陔孝子吟

江小雲方伯高堂今已入

旬欲移居西

六朝律呂張蒼定

謂張杏柳

鄧淵知音復審證

謂鄧雲泉

更有善歌徐懷簡

謂徐小海

五音六律相答應新涼州

舊涼州開元古調今猶聞

謂王人喬梓

珠絃錯雜急復緩玉

笛悠揚清且幽人生行樂須及時浮雲富貴亦何爲今  
我不樂遠行役歸鴻又向南天馳時余將有  
閩中之行依依難捨  
六橋柳一曲驪歌暫分手羣仙儻再詠霓裳肯許巴人  
重聽否

題風木庵圖四十四韻爲竹舟松生昆仲敬賦

讀書酒誥篇孝養盡子職誦詩至蓼莪廢書三歎息我  
昔棲萬松與君一城隔君家椿復護和風門內盜堂下  
堦簾吹始見仲與伯翩翩兩少年不辨孰眉白高堂時  
相親門多招隱客身習陶侃勞胸有計然癖因友以交

友情話共朝夕

道光戊午肄業萬松書院與龐仲和  
王利乾友善始見尊翁遂成知己

逮

我游天涯遠在燕楚北離家廿四載空瞻岵岵陟鶴原

有七人已痛三折翻

大兄竹溪官安嶽病歿六弟桐  
村七弟虞廷同治元年殉難

客

冬歸故鄉祭掃先塋側中更離亂秋墓門多荆棘瞻拜

泣漣洏補種松與柏孝弟兩未能永抱百年感今重造

君廬廬中羅手澤久銜風木悲袖出圖一冊徵詩到下

里巴音難塞責人孰無父母令我心惻惻我聞烽烟起

弟兄遇悍賊賊曰此孝子安忍加鋒鏑虎口逃餘生亂

後還鄉國生靈塗炭多盡變劫灰黑善後事獨肩未肯

留餘力當此糜爛時兩人同擘畫天府稱二難遇事手

加額積善人共知持介世罕識願守先人廬勿驚東西

宅願終韋布身勿儲尺寸帛不重萬銖錢祇愛九峯石

蕭蘄泉中丞贈君九石羅不羨千金裘惟藏二酉籍君

列一室願之日九峯居君曰守先訓履賤不我獲顯揚在此時怡

多宋元善本怡勗明德一衿錫百里 廟堂已破格高不事王侯志

切守窀穸左爵相撫浙時 奏保松生緬懷古丁蘭思

親木像刻更有丁靖公河內人 名密廬墓親封植君家純孝

多慙受漢廷赦遙遙二千年謀貽雙燕翼披圖一再觀



往事不堪憶孝由孺慕生見者咸怵惕親恩如昊天欲  
報已罔極至孝泣皋魚灑毫淚和墨

吳丈筠軒開鐵華詩社第一集分得禁字

憶昔識荊州珥筆在樞禁十載何賢勞喉舌司重任挽  
粟西江行甘棠南國蔭閭閻富教兼積弊去太甚飄然  
解組歸縣喜明湖枕鐵花荆新居道義日潛浸古歡集  
盍簪無事且招飲騷壇君領袖下里我振衽曩讀白雪  
辭欲和口已噤前示上元對雪五古一章至今未和因時一寄慨非符亦  
非讖自古詩學精由於積力深鏘然大雅音一響眾山

啗伯樂顧麒麟駑駘不敢闖所喜末光依近得傳舍賃  
買舟狎浮鷗依桑聽戴鷺暇從撰杖游時步擊鉢吟百  
集繼清尊先把詩脾沁

謁南屏張忠烈公墓

鐵華第三集

鳳凰山削青芙蓉天水一碧悲宋宮小朝廷又結明局  
浩然正氣歸浙東浙東拒命首錢沈奉魯惟公心耿耿  
丹詔俄聞降八閩報使釋嫌堅且忍誰知故國運應殘  
江上師難集揭竿激浪帆衝補陀島大風舟覆崇明灘  
公與將軍張名振同被執生者誰還死誰泣百夫有長導

公行隻身還向翁洲入翁洲虎旅又雲屯一朝淪陷隨  
王奔鄭軍驚鶴勢甚盛公獨扈王次鷺門招討爲唐公  
爲魯各固籓籬衛明主激發諸藩唇舌乾胡爲畏鄭如  
畏虎招集散亡軍吳淞江流嗚咽蛟翻龍金山慟哭陣  
雲黑青失孝陵丸丸松遙望石頭城下拜烽烟四起軍  
心懈曩時夙約皆背盟忍見河山馬阮賣蕪湖設險爭  
上流和州軍拔鎮池州望風降拜廿四縣競渡紛乘十  
七舟扶杖焚香來野叟犒師爭獻牛與酒四野不聞雞  
犬驚十五年來所未有無多故老與遺臣相見依然烏

角巾八十三營兵令肅成功可惜墮功成破聲誤潰鄱  
陽界扁舟疾下嚴陵瀨簞食方看父老迎羽書又告滇  
中敗歸殿靈光倒魯靈擎天獨柱更何承貞心百鍊雖  
如鐵熱血一腔爭似冰潛身懸息雙猿守羅與子木王

居敬

楊冠玉

義不負島散田橫士半千節媿蘇卿年十

九一劍牀頭夜不鳴妖僧伏虎神鬼驚文恭故第追千  
古拜謝鄉城別四明巍巍舊府羈鸞鳳故校重來畱餘  
慟有心奚待牧羊歌應識果然圓鹿夢柴市鶻啼正九  
秋奇零詩草有人收談笑猶云好山色岳于鼎峙願纔

酬峯巒荔子高千尺凜凜公還精氣結一方殉硯豈埋  
名綽楔 天章表忠烈竭來下馬讀題碑立懦廉頑  
世世垂南山芳草綠未歇杜宇聲和風雨悲

鐵華第六集吳子修孝廉以應方伯適園紅樹命

題分得於字

適園主人同里閭武林先我來僑居瓊花自昔討名勝

適園卽舊稱瓊花  
階宋時御園也

夏屋卽今歌渠渠園中何所貴金萱

燦爛榮堂廬園中何所愛芬芳蘭桂羅階除更有靈楓  
高百尺無事遠停寒山車珊瑚瑪瑙不足寶歲寒寶此

風霜餘我聞楓脂香可佩勝於沙棠與欒楮又聞籬楓  
葉如火青山白水爭蕭疎萬木春生秋漸落惟有丹楓  
勝春初暮鴉倒翻枝葉下夕陽煊染烘林於延陵公子  
玉堂彥百口有如嘉樹譽題詩不借御溝水開樽新剪  
霜園蔬清談滿座不辭倦丹黃懶校風葉書春風轉瞬  
改柯葉 楓宸看君鳴傳臚

閩途放歌

庚辰

我自金華赴閩一千六百里歷盡千山與萬水年年作  
客滯天涯那見天涯苦如此回憶蘭江經三衢獨坐舟

中我忘吾遊山有約待梁灝顧曲無人懷周瑜

梁壽人約伴同

行遲七日始抵衢江

過此灘高水清淺一葉輕舟隨岸轉今朝解

纜泊清湖

江山屬

明日乘輿凌絕巘絕巘不分大小山崇

巒峻嶺高難攀未抵十閩分畛域先看兩浙鎮雄關仙

霞嶺上幾千尺五里一亭十里驛平坡迤邐叢棘荆山

路崎嶇疊頑石冒雨恩恩來浦城昨晚漁梁息行旌河

下買舟價十倍破篷斷纜安能撐舟子半蠻音兩舸遭

頭簸上灘呼救人下灘呼救貨悽聲不忍聞臨流發浩

歎一灘又一灘七十二灘半有客告余言下游灘更大

波濤滾滾來舟小難坐臥倏經黯淡灘如從八陣過入  
險而出險梢工向我賀我本東西南朔人越山越水幾  
苦辛五鼠灘名迴環波浩渺九蛇灘名突兀石嶙峋吁嗟乎  
自古人言蜀道難誰識建河多惡灘我今卸舟幸無恙  
深宵有夢膽猶寒

詠鷺

振振鷺思深哉春來秋往南北臺鷺兮鷺兮爾何不在  
山之巔河之隈向水田而羣集隨雲表以徘徊土人告  
余以春及三三兩兩鷺初來不巢山谷巢高樹雨自飄



零風自摧忽有一鷺大於鶴先集衙署如里魁

二月間羣鷺齊

至道三月有一大鷺棲於鹽署如將帥然

羣鷺紛紛各聽令分鏢列隊聲銜

枚或棲將軍樹或集三台槐或翔薇垣之院落或立柏

府之庭階次及大小署指揮參伍開

羣鷺千百分棲於將軍督撫藩臬糧

鹽各署毫無紊亂亦異事也

側聞鷺自臺灣產恐受生番无妄災雄

者畏攫肉雌者防殺胎萬里不嫌海天遠呼羣結隊交

相催羽屬三百有六十何以一鷺多疑猜始信會垣重

仁愛長頸顧瞻去復回朝暮離巢唼魚子哺雛殷殷如

哺孩鷺兮鷺兮得所託羽毛豐滿淨無埃嗚呼世人不

如鳥日向蠻鄉闢草萊可惜金錢萬千鎰何時可以阜  
民財振振鷺思深哉

詠翁蘭畦

學本

觀察素心瑞蘭圖

庚辰六月蘭畦署中素蘭盛開有重臺者有並  
蒂者實花中所罕見會稽陳芷薌圖繪於紈扇  
並囑余賦詩以誌祥瑞

我聞蘭爲王者香瓊英玉葉含芬芳又聞蘭結幽人珮  
和風細雨資灌溉湘江自古多奇男一卷離騷香味參  
數千百年出豪傑治夙沙政來閩南閩南土瘠民生困

府海官山多負販裕國閒參劉晏書阜財熟讀桓寬論

主人愛花如愛才園丁報道奇葩開千葉紛披萼並蒂

一枝婀娜花重臺花中有蘭蘭有秀香自清分葉自茂

丰格高宜名士題芳馨近挹美人袖憶昔吾家水仙蘭

高閣筵開十日歡同治己巳鄂寓中素蘭開時有如水仙瓣者兩朵同人共賞旬餘題詩若

干首列入鄂渚同聲集 畱題共入同聲錄未及茲花重疊難六月

承招赴席先開重臺並蒂各一朵下旬又開數朵 花因地靈實人傑不染塵紅

更芳潔莫誇籬菊傲嚴霜遠勝嶺梅疊香雪君不見芳

池蓮瓣開並頭文鴛遊戲水邊浮又不見秀隴稻花垂

雙穗雜魚夢兆豐年瑞我公愛蘭盈階庭翩翩異卉何

娉婷詩成又報奇花發不是花馨是德馨

拙詩將脫稿來翰云日昨

又開重臺兩朵並蒂一朵洵佳兆也

何幸荆關傳妙筆

謂陳芑菴

持扇看花花

若一我亦愛花結同心披圖恍入善人室

七夕日楊雪滄

浚

舍人贈黯淡灘石硯並寵以詩

卽次元韻奉謝

神龍天矯去無跡延津畱此一片石子雲嗜古珍璠璣

龍尾鳳味兼物色珍藏寶笈年復年不染塵埃豈須拭

茂先博物搜珍奇

來翰云此硯詩人張怡亭雕鑄硯陰山水人物細如牛毛可寶也

恨

我無緣今未覩截玉交稱大匠材著書不爲折腰役我  
公移贈山中人今日適逢乞巧夕黯淡灘前波濤翻欲  
得一拳殊費力異玩何殊錫百朋濡毫不啻獲三益更  
贈琳琅珠玉篇南歸豈獨輝蓬壁從此愈堅金石交耿  
耿古心生篆刻

南臺謠

一自通商後舟車四國來居然成海市噓氣盡樓臺  
倉前山上地古塚一時平夜半多幽怨啾啾故鬼聲

山在萬壽  
橋之西

潮來寂無聲潮去聲震地潮去復潮來熙攘皆爲利壽

橋潮來寂然潮退遠近皆聞

何處翻蛟龍建延山中水年年雨黃梅水滿南門裏口

狹小每年四五月上游水發南臺街上皆水逕入南門之內

海國多般戶曾無十日糧六濠舟不至那得熟黃梁戶

買屋放債罕置田產米由鎮江六濠口來閩家家購米不肯多存也

森森千个竹惟有何氏園車馬盈門至幽閒靜不喧何

臣香山人構園於南臺花木甚多以竹爲最

舟楫如林立迴環萬壽橋因風篷太矮曲膝又垂腰橋

水漲舟不能過  
均用筲簍激之

我聞賣菜傭未聞賣菜女  
獅樓與南臺那識多如許  
婦

挑菜喚賣絡繹滿街朝進暮  
出城外居多大半皆年輕也

薄暮成羣走花街柳陌前可憐雙赤足  
蜂蝶尚喧聞  
妓

如林皆赤足者如粵之蛋  
婦半多惡劣游者不絕

梨園新子弟一曲半蠻音履舄真交錯  
畱髡夜乍深  
戲

四五處酒肴狼藉  
男女雜坐其中

荔樹大十圍荔子紅於火我欲效東坡  
日啖三百顆  
荔

有宋朝樹色  
香味俱佳

蟠結似櫻桃精光何燦爛能同川貝功惟有黃皮彈

此果

化痰順氣土人又名

黃彈七月始熟

### 辛巳暮春生日自訟

人生工營營莫不貪富厚宦海原茫茫莫不懷印綬丈夫志四方敢趨名利藪見得當思義致身可大受少壯百無能老蒼復何有猥曰收桑榆衰已同蒲柳白日去堂堂烏兔東西走時乎不再來反躬徒引咎樗散吾所甘何以顯父母歲月去如馳蹉跎五十九

我祖好行善型仁敦梓桑

先祖西山公興宗帑載菹蒲救災荒善行不可枚舉金衢



嚴道德觀察我父重文教崇祀列宮牘道光乙未先大夫助田一

以誼薦桑梓額百六十餘畝為合邑文童縣府院試卷資並建義塾日

培文書院咸豐間被賊燬同治元年余重建堂廡二十

楹以仍其舊二年邑紳士呈請崇祀我母承先志割產

資早荒咸豐五年先太夫人恐義田歲遇荒旱不敷卷資添助田二十餘畝彌畱有遺訓

助賑邀表坊光緒五年直隸水荒奉先太夫人遺命捐助千金奉旨建坊給予樂

善好施棣華開七葉文武各飛皇大兄鳳林官安徽署含山巡檢太湖典史

次鳳翔道光丙午科舉人次鳳儀道光丁酉科舉人次

鳳標官杭協營千總次鳳網郵縣訓導次鳳韶邑庠生

自罹粵寇亂鶴原半折傷捐軀及婦孺八烈畱芬芳六弟

鳳岡七弟鳳韶同治元年殉難五弟婦盧氏七弟婦王

氏及姪宗壽均被害七年浙撫李奏請旌表與堂

弟鳳鳴鳳雛鳳思等同日奉  
旨敕建一門八烈專坊專祠死者長已矣生者痛靡

常家道日中衰搔首問穹蒼猶藉祖德厚積善有餘慶

早歲事鉛槧薄采泮芹藻藏書十萬卷听夕恣搜討塵

戰南北闢十役甘煩惱鶻薦雖屢膺都被秋風掃壬子戊午

云未三膺房薦三十入貲郎直上長安道分部直樞曹三載書

上考咸豐丙辰簽分兵部武選司兼武庫司行走京師適戒嚴拔茅及小草

外寇時方張蒿目心如擣同舟期共濟散亡畱四皓庚申

夷兵逼近京城辦事王大臣賈相國等奏請戶兵刑部隨帶司員二十人迨中秋日火焚淀園祇翁玉帥陳

秋帆陳棣珊及余四人在局餘皆挈眷出城籌餉饋飢軍聊以展素抱本局募身

三千人戶部缺餉另  
行籌借以濟勇糧

未幾撫局成恩施

帝眷浩愧

非械樸材偏霑雨露早眷懷吾黨人願視無凡鳥羽毛

各豐滿高飛上蓬島

京官廳實生翁叔平兩尚書袁荀  
咳孫松坪兩侍郎徐小雲太常外

官何小宋制軍蔣樸山王補帆翁玉甫  
三中丞賈湛田觀察皆當日患難交也

獨我材不材覽

鏡成衰老已矣復何營此生嗟潦倒

我年踰四十宦游漢江濱流光激如矢歲星周一辰自

我定釐則抉剔政一新繁簡判去畱藉以蘇涸鱗

同治丙寅

赴鄂檄委總辦全省釐務詳定章程編刊分散各局丁  
卯夏裁撤各門厘及小局卡四百零八處畱大局九十

三處詳請  
奏咨在案奉

詔開書局瑣屑招手民旦暮籌亥豕日

與古人親

丁卯設立崇文書局至丁丑春刊成經史子集二百三十七種

吾郡萃理學

宋元多偉人自遭黃巾亂板籍成灰塵四海覓善本買

書忘家貧勤勤付棗梨吾道賴傳薪

自同治初年刻金華叢書成前編六

十三種續刻十餘種又刊各家子集四十餘種

更有寒士集著作久沈湮釀金

代校刻扶持大雅輪

在皖刻懷白軒詩鈔在楚刻變雅堂詩文集湖船錄蓮子居詞話依

舊草堂遺稿餘軒詩鈔禪林寶訓筆說等書

國初詞綜續編蔗

湖自歸田後手足病

不仁筋力日衰憊迷途奚問津

憶昔居燕都未挹西山翠驅車過青齊目極明湖媚吳

江時往還虎邱一再至客遊皖公山騷壇樹一幟

同治乙丑

在皖朱久香星使何小宋方伯李恕皆廉訪吳竹莊陳  
心泉李季荃觀察及余七人結詩社刻成皖江同聲集  
十卷鄂時最久聯吟月計二鄂中彭漁帆張月卿何白  
英張鹿仙唐薇階諸公約  
余在正覺寺聽經閣每月詩課二  
次刑成鄂渚同聲集二十四卷  
有志招黃鶴登樓修  
小志大別與芳洲名勝一一誌壬申刻成黃鵠山志  
大別山志鸚鵡洲志昨

歲游南閩雲天故人誼舊雨兼新雨未肯失交臂在閩寓節

署月餘筱帥殷殷款待復晤遠堂少仲兩中丞師竹恆  
山兩觀察及多都護陳俊臣葉善堂翁蘭畦方銘山張  
煥堂吉少史洪麗足跡半天下名區不勝記作志當臥  
筌朱懋助諸公

遊聊以寄所寄辛壬間刻成桃花源志馬崑志青冢志  
漂母祠志曹娥江志未刻者嚴瀨志孤

山志黃陵廟志三種  
人生行樂耳不受紅塵累閉戶繙羣書名教

有樂地自愧孤陋多焉能擴胸次

生平少善行大節幸無虧疏者由親始遠者自近基阿

弟殉國難浮屠富春涓往反白牛鎮一坏歸忠屍

同治元年

六弟鳳岡被賊脅不屈歿於白牛鎮賊義之爲其藁葬並書姓氏於瘞所余歸檢骨回里葬之

阿兄歿

鄂江千里來孤兒葬禮與祭禮一木任支持

大兄鳳林官安徽請

假來鄂就醫病歿余殯殮後送柩歸葬並贖用爲祭祀之資

乙丑赴南陵義塚多累

藥爲尋季父骨殉葬得牟尼

家叔春圃公咸豐末年就養於其子鳳鳴營中病歿

葬於陳家祠呼余檢骨以歸得附葬之牟尼珠余購田四十三畝立南陵義祭會爲清明中元冬至祭資並立

碑交紳士經理

歸窆祖塋側庶慰九原知我病危旦夕水部延

名醫晝夜視湯藥履險化爲夷永拜君子德銘泐無已

時南陵回皖受疫甚重何筱帥官皖藩時請喻朵庵醫洽在寓兩晝夜料理湯藥轉危爲安功德無量昔

寓京華日良朋不我欺友死無所歸百計相圖雜在京時吳

竹言學士歿於淀園袁筍陔侍郎及其子康侯歿於京寓助教張韻泉歿於容舍余親爲殯殮並恤其家屬歸

葬鄂遊十二年如在京洛時在楚楊笠生朱紫珊何白英陳心泉諸觀察朱淡如

太守病歿於寓所身後蕭條余爲之殯君子營居室輪

殮成禮代籌購儀各歸其子爲扶柩費君子營居室輪

奠先宗祠甲子修大宗牆垣棟棟己巳修寢堂門楹並助大宗元旦冬至餅餌乙丑助田一十畝爲

難驅馳藥餌雖小恩貧者苦無資溝防水渠塞路防累

石欽

往年修橋梁施丸散疏溝渠填道路計費千餘金

鄂垣創寶館庶益集眾

思

庚午建全浙會館於鄂之花園山後進崇祀先賢呂成公等十二位東室奉詔爲陶文節馮文介專祠

計費五

千金 皈依有正覺受戒多沙彌

丁卯重建正覺寺於後府街計費萬餘金

勒石誌之

自慚鮮大力遇事多透遲葆此方寸心作善

無敢移

行年將六十渥受

聖朝恩疊次膺榮封錦軸一品

尊

光緒紀元任湖北糧道加四級請從一品封典曾祖日章公祖西山公父雅堂公均封榮祿大夫曾祖

妣王氏祖妣李氏母施氏均封一品夫人及本身應得封典妻室鄭氏宋氏均膺一品之命

通奉馳

伯父以次逮吾昆

絲綸何浩蕩錫類徧旁門

丙子由湖北補



用道加三級累請二品封典賜封胞伯宏齋公伯母李氏胞兄竹溪公嫂童氏外祖父施與齋公外祖母楊氏岳父鄭咸林公岳母王氏均贈通奉大夫及夫人之命幸有內助賢妻妾羞蘋蘩

五兒并七女半嫁亦半婚大兒宗廉官江西補用知縣補缺後以直隸州知州用次

兒宗彥官福建同知補缺後以知府用三宗荆四宗楚五宗鄂均幼讀琅琅讀書聲階砌

羅諸孫孫瑞昌候選巡檢泰昌順昌愈昌皆幼讀家庭自有樂富貴何須

論天高地則厚相對默無言

四時多美景三春麗錦繡山桃紅欲然階蘭香滿袖我

生值茲辰六十日下壽三月十一日一年復一年韶光不可

留衛武當耄年作懿以自懋我心願私淑得失聊補救

願官清且廉

謂廉兒  
彥兒

願學多而富

謂荆兒楚  
兒鄂兒

壯者長其

長少者幼吾幼作詩示子孫我言良非謬拋磚引珠玉  
詩人多朋舊贈我瓊瑤篇如聞笙簧奏六朝與三唐各  
隨天所就下里巴人音不學忘淺陋酌乾巨觥庶以  
明吾疾甚矣嗟衰頹吾儕或見宥

退補齋詩存二編目錄

卷五

今體詩

瓜州

揚州

阮丈賜卿招游文選樓並觀周鼎

阮文達公祠

子箴招游平山堂

別黃近宸運同

別徐仁山觀察

泊邵伯鎮

高郵道中

王家營

魚溝

桃源驛

陽和集

九里岡遇風

宿順和集

峒嵒

五花渡

紅花埠

李家莊早行

沂州

宿劉申山方伯齋中

別崧鎮青太守

伴城道中

青駝守

磔莊早發

龔家城

山行自慰

蒙陰道中

鰲陽

新泰南關

翟家莊

崔家莊曉發

厥山

過泰安

店臺

張夏曉發

崗山

開山

杜家廟

晏城

齊河順風

禹城橋

平原二十里鋪

黃河沿

德州卸車雇船北上

連鎮夜行

泊頭

秋夕思家寄內

獨流順風

楊柳青

津門夜泊

大沽阻水

宿河西務

中秋後二日抵都

退補齋詩存二編卷五

癸酉

今體詩

永康胡鳳丹月樵

瓜州

纔進瓜州口西風急打頭江空天漸遠岸曲水分流綠柳哀蟬咽黃蘆旅雁秋旌旗猶滿日日暮使人愁

瓜州鎮駐

紮於此並設炮船防守

揚州

不到維揚地於今二十年山河依舊址花鳥簇新天橋影橫明月簫聲咽晚煙停篙尋舊雨連夕醉華筵

黃近宸方

子箴徐仁山諸  
公連日祖饌

阮丈賜卿

福

招遊文選樓並觀周鼎

鄂渚經年別維揚又晤君鼎留三代物樓贖六朝文風  
兩名山舊絃歌石室聞箕裘承舊澤太傅有餘勳

阮文達公祠

四壁留

宸翰煌煌太傅祠兩朝賢宰相千載古文

辭松柏皴龍甲

祠中松柏參天兵燹後亦僅見也

楹書作燕貽選樓高

並峙劫後繫人思

揚城被賊蹂躪惟公祠與文選樓獨存

子箴都轉招游平山堂阻雨不果



猿鶴沙蟲儘可哀，久聞勝地掩蒿萊。  
滄桑莫問天心變，恢復全憑大匠材。  
子箴倡捐廉俸並集  
離商之力重修斯堂醉月時聞名士  
集餐花可有美人來。無端風雨攔游興，待我南旋共賞梅。

別黃近宸

元輔

運同

漢上分襟後，而今又一年。  
風塵羞俗吏，羈地駐神仙。  
尊  
有園花木亭  
臺並擅其勝雞黍開新釀，葭苒結夙緣。  
相逢何忍別，離恨益纏綿。

別徐仁山

文達

觀察

江南多傑士何幸晤文長  
素性通兼介雄心慨以慷  
枕戈今越石借箸古張良  
聚首恩恩去情絲繫綠楊

泊邵伯鎮

孤艇無人伴驚鴻夜半鳴  
雨斜暮粉膩風逆柳絲橫  
洗盞烹新茗翻書剔短檠  
宵深明月上照我別離情

高郵道中

客行偏遇打頭風  
細雨絲絲溼短篷  
萬樹柳陰圍岸綠  
半湖蓼影襯波紅  
愁聽別語來秋燕  
欲寄家書託遠鴻  
泛宅何如吳榜穩

坐船有額曰吳榜取香山句也

輕舟來往夕陽中

王家營

離清江八里

真人起淮泗此地昔屯兵  
依舊江山勝如聞鼙鼓聲門  
高容駟馬客過駐霓旌  
幾度增離別江南第一程

魚溝

離王家營三十里

萬樹濃陰綠四圍  
夕陽明滅鳥知歸  
馬蹄蹴踏秋風裏  
吹起黃塵上客衣

桃源驛

卽眾興集離魚溝四十里

蒲帆纔卸清江浦  
又逐征車道上塵  
秋柳依依紫過客  
西風獵獵逼勞人  
黃河水涸栽香稻  
曲澗花寒漾白蘋

莫忘江南好風景桃源驛上問前津

陽和集

卽仰化集離眾興五十里

纔別桃源馬首東堤前楊柳怨西風無端木葉蕭蕭下  
漏出朝陽隔岸紅

九里岡遇風

九里岡前聲怒號強枝拗折賸柔條誰憐弱柳扶秋色  
獨拒西風葉不凋

宿順河集

離陽和五十里

沿河風撲面滿地捲黃沙屋繞青楊柳籬開紫豆花灘

前牽宿鷺林際數歸鴉今夕聊高臥離愁漫憶家

峒嵒

離順河六十里

將盡江南地峒嵒始見山荒塍千百頃瓦屋兩三間河  
畔秋蘆碧峯前石蘚斑民風真儉樸牛背夕陽殷

五花渡

驅車過古渡回首宿遷城水淺波如練灘多浪有聲河  
身同岸蘆橋底與潮平

渡東有五花橋傾圮已久

世變滄桑裏臨流

百感生

紅花埠

離峒嵒六十里

回首江南泛畫船，燕雲縹緲路三千。  
碧梧葉戰秋風裏，紅蓼花明水驛前。  
去燕來鴻同我老，離愁鄉夢總情牽。  
聞雞屢起中宵舞，先路防人早著鞭。

李家莊早行

離紅花埠一百二十里

半世生涯似轉蓬，青山笑我去匆匆。  
地連淮北齊東界，人在風聲月影中。  
古驛花疎嘶瘦馬，長天路遠警飛鴻。  
十年拋卻征衫久，又向燕臺踏鞞紅。

沂州

離李家莊四十五里

聞道瑯琊地，山川自古雄。  
分疆隣濟水，繡壤接東蒙。  
諸

葛漢名相真卿唐鉅公浴沂想春暮歸詠舞雩風

宿劉甲三

策先

方伯齋中

沂水人

故人具雞黍

用浩然句

掃榻暮留賓話別纔三月

君於五月由楚藩任

內奉諱

天涯寄一身葬親君負土朝

闕我趨塵剪燭

忘深夜離情入夢頻

別崧鎮青

駿

太守

十載春明別今宵喜見君同舟懷舊雨異地賦停雲

君與

余同官武部別經十載今出守沂郡相逢喜甚

事業追龔遂文章敵陸雲恩恩

重判袂歧路語殷勤

伴城道中

離沂州四十五里一名半程

東道崎嶇倍苦辛  
鞭絲帽影困風塵  
豈無愚叟移山術  
誰是金華叱石人  
古驛斜陽懸斷壁  
荒原秋草碾征輪  
沿途魄礪消難盡  
安得澆胸酒數巡

青駝寺

離伴城十五里

犖确山中路  
臨崖發浩歌  
千峯攢亂石  
一騎走青駝  
失足防馳騁  
雄心慣折磨  
前途聞僕語  
險更甚風波

磻莊早發

離青駝寺四十五里

起視蒼穹轉斗杓  
披衣和夢上征輶  
閒吟聊識風塵苦



借酒安能魄礪澆輪鐵碾沙聲細細鞭絲隨月影迢迢  
天涯作客誰知己青眼垂人柳萬條

龔家城

離株莊四十五里

深山聞暮鼓小住此龔城地迴羣峯抱秋深萬籟鳴雜  
聲驚客夢柳色繫離情不待東方白登車又啟程

山行自慰

東山道上徑崕崎傳語行人善主持祇要寸心存坦蕩  
縱然履險自如夷

蒙陰道中

四圍蒼翠鬱東蒙  
飛騎俄經百里中  
自古顛與封建地  
苦無野老話遺風

鰲陽

離龔家城五十里

鰲峯何獨聳  
遠控萬山巔  
奇石削如筆  
懸崖高插天  
客懷增塊壘  
離夢渺雲煙  
空負登臨興  
揮毫寫錦箋

新泰南關

高築南關寨  
周遭城外城  
千山開一線  
隻堠抵兼程  
徑仄崖偏陡  
村多路不平  
勞勞鞍馬裏  
何日息長征

翟家莊

離鰲陽四十五里

吠犬聲如豹峯前屋數椽青山明月裏紅樹暮雲邊  
勤儉追唐俗蒼黎話葛天通衢來往客車馬媿喧闐

崔家莊曉發

離羊流六十里

纔分柳色露天倪風雨膠膠聽曙雞石徑斜開山犖确  
征夫錯認路東西泥痕到處畱鴻爪月影無端逐馬蹄  
遠眺泰山高莫極危巔何日許攀躋

厥山

絕頂風高萬籟寒層巖亂石似星攢世間多少不平事  
原與茲山一例看

過泰安

崔家莊至此四十里此地有竹  
兜子可以過山比坐車稍好

匹馬怱怱過泰安登臨未許躡重巒山高俯視三千界  
徑仄斜開十八盤日觀遙臨滄海外梵宮新建白雲端

山頂重建殿  
宇六月告竣

秦碑漢碣知多少待我摩崖極大觀

店臺

離泰安五十里昨在泰安雇過  
山兜子至開山土人名扒山虎

籃輿穿入萬山中樹色遙分日影紅萬壑巉巖多礙足  
四圍布幕不遮風何時磈礪夸娥負肯信長途阮籍窮  
待過開山舒眼界應無歧路誤西東

張夏曉發

離店臺六十里

青山看不厭車馬未曾停海角一輪日雲端數點星漸  
看天地白旋露羽蒙青長作天涯客風塵我慣經

崗山

山勢真如金龍源泰岱來前峯野人屋絕頂梵王臺古  
柏森千尺巉巖竦萬堆怱怱行客過又聽晚鐘催

開山

張夏至此三十二里自泰山至開山計一百四十餘里山勢蟬聯真壯觀也過此皆坦途矣

千山連不斷仄徑忽然開別有一天出而無亂石堆黃  
花人影瘦紅樹夕陽偃莫怨崎嶇路平平大道來

杜家廟

離開山十八里

茅廬臥對夜燈青一枕黃梁夢未醒底事征夫催客起  
出門猶帶滿天星

晏城

離杜家廟五十里

野草閒花此地多  
怱怱行色馬前過  
長途消盡輪蹄鐵  
多少英雄受折磨

齊河順風

車馬紛紛喚渡河  
好風相送一帆過  
而今淮泗無黃水  
漫口年年北地多

近年北河決口水高  
十餘丈今夏猶甚

禹城橋

離晏城五十里

纔渡齊河又一程驅車喜過禹王城橋頭雨溼鞭絲影  
柳陌風嘶木葉聲車馬奔馳知客過雲山隱約向人迎  
前途可是平原否買得新絲繡未成

平原二十里鋪

離禹城五十里

未分曙色到平原喔喔雞聲夜半喧楊柳梢頭風料峭  
豆花籬下月黃昏橫塘葦白猶零露野店燈青尚掩門  
緩轡徐行三十里一輪紅日照官屯

黃河沿

離平原五十里

茅廬草舍近黃河牧子時聽扣角歌牛背斜陽歸去晚

一聲短笛綠陰多

德州卸車雇船北上爲北風所阻

黃河沿至此三十里

纔卸征鞍理短篷  
夢魂猶訝在車中  
離情怕見水中月  
拂面偏來江上風  
借酒銷愁杯泛綠  
吟詩遣悶燭燒紅  
沿途試問黃河水  
見說津沽路已通

連鎮夜行

扁舟連夜發  
明月漏清光  
水順風偏逆  
灣多路更長  
征途千里遠  
秋色十分涼  
浪跡吾生慣  
蹉跎兩鬢霜

泊頭



一葉輕舟連夜開御河屈曲水潑洄順流竟被天公妬  
盡日東風撲面來

秋夕思家寄內

迢迢客路走三千纜卸征車又上船聽說津沽堤岸決

京畿以北水連天

永定河漫口水溢天津高十餘丈滿城幾爲魚鱉忽開口十二處水勢漸

平洶天佑也

信有人間行路難扁舟又遇北風寒深宵欹枕難成夢  
千里相思淚暗彈

每逢佳節便思家南北天分各一涯試問閨中小兒女

他鄉知否憶阿爺

君在江鄉我帝鄉  
米鹽瑣屑費思量  
出門還是新秋候  
今夕風寒月倍涼

長途眠食自扶持  
回憶家居仗侍姬  
今夜月明人靜後  
離愁鄉夢問誰知

泛宅浮家水上居  
馬頭夜夜聽更魚  
遠行卻憶雙雛小

莫曠功夫廢讀書

謂三兒  
四兒

輕舟緩緩到流河  
明月今宵離恨多  
料得堂前羅果脯  
雙雙兒女拜嫦娥

獨流順風

曙色平分到獨流  
泥痕爪印許重留  
長途怕見多情柳  
兩度曾經不繫舟  
北向雲山如有約  
南來鴻雁竟忘秋  
此行祇覺無聊甚  
趁此帆風慰客愁

楊柳青

昔日曾經楊柳青  
勞勞送客短長亭  
而今又向丁沽去  
過眼雲山足不停

津門夜泊

重到津沽地  
萍蹤話昔年  
早知人似海  
又遇水連天  
異

地逢新雨

謂閭峯三

深宵話夙緣

訪徐幼巖諸翁菊夜半回舟

怱怱行色

急快著祖生鞭

### 大沽阻水

巨浪牛狼發非徒永定河淫流千壑合湮沒萬家多漫  
口無黃水掀天盡綠波

決口數百里水綠於油

磬磬中澤裏鴻雁

聽哀歌

### 宿河西務

夜半風霜撲面迎長途無處不催征挑燈忽聽鄰雞叫  
齧草猶聞老馬聲家夢鄉心千里遠茅廬短榻一身輕

天涯游子思歸切，日向離筵對酒傾。

中秋後二日抵都

燕雲楚雨路三千，兩易驟車四易船。夕苦嚴寒朝苦暑，

行披薄袷臥披綿。

中秋後日光炎炎幾同伏暑而晚涼似屈隆冬南北不同如此

江河

浩渺舟難渡。

德州至馬頭水溢數百里

山路崎嶇馬不前。

山東自板關至開山

均由石

滿面風塵經匝月而今始近。

禁城邊

漁叟因詩社久廢賦寄懷二律見眎卽步元韻奉

答

增埵風流盛昔時，春來寂寞懶吟詩。鶯聲百轉催春老，

蝶夢三生問月知  
客去杜門身裏  
蘭愁來攬鏡  
鬢添絲  
自慙樗櫟材無用  
日坐書齋凜退思

陽春惠我郢中音  
手浣薔薇反覆吟  
老樹著花無俗韻  
金丹換骨見僊心  
鷺鷥閱世經千劫  
鸞鳳翔霄冠百禽  
安得登壇齊拜將  
重張旗鼓到詩林

自題紫藤仙館課兒圖

辛苦年來校魯魚  
藤陰濃護滿床書  
癡兒浪羨黃金好  
財富何如富五車

安定家聲自昔聞  
淵源一脈辨香焚  
治經治事齋猶在

數典休忘誦祖芬

快婿乘龍得得來翩翩宅相亦賢哉

婿述卿甥輯五均與兒輩同學

曹莫學華歆鄙割席防他笑不才

但期雛鳳噉清音跨竈何妨雅謔侵珍重藤花春又暮  
千金共惜一分陰

### 懷亡友十首

吳竹言學士

諱福年仁和人道光乙巳探花官至侍講學士乙卯督學廣西丁巳

回京上書房入直剛一月卒於直廬余爲之殯殮送回杭州

燕臺聚首結相知西粵星輶暫別離入直

鑾坡纔

匝月黃鷄白酒賦淒其

袁筍陔閣學

諱希祖漢陽人祖籍浙江上虞道光丁未翰林官至內閣學士歷署

戶禮兵刑工侍郎咸豐辛酉卒於京師湖廣會館其眷屬先一月回里余親爲殯殮其子康侯

次年赴京扶柩又卒

死別於今十四年舊游回首淚潛然鯉庭寂寞無人問

滴酒何能到九泉

陸眉生京卿

諱秉樞桐鄉人道光丁未翰林官至給事中直言有聲咸豐季年奉

詔辦河南軍務卒於軍贈光祿寺卿

縱譚時事每三更折檻朱雲最有聲太息生前名御史



僅從死後贈京卿

楊禮南學士

諱秉璋懷甯人咸豐丙辰翰林未第時家貧養殮不繼援例投典史

乙卯赴都驗看朋友力勸赴北闈遂獲雋春闈聯捷戊午大考二等升侍講轉侍講學士督學四川任滿回都儘職旋丁內艱歸未一月卒於蘇州

欲從屈宋作衙官誰料飛騰侍

御鑾深惜好花殘

太早滿園風雨聽淒酸

張韻泉助教

諱陸葑沔陽人道光壬辰舉人官國子監助教同治壬戌卒於都門

護國寺無以爲殮余爲之備棺槨衣衾次年其子來京扶柩歸葬

年年京洛踏緇塵國子先生是故人一死無歸於我殯

最關情處最傷神

吳竹莊方伯

諱坤修新建人由軍功保薦官至安徽布政使工書譜以詩名豪宕

不羈真傑士也

佳節頻通尺素書殷勤問訊託雙魚年來夢訪君消息  
忘卻修文地下居

陳心泉觀察

諱濬閩縣人道光丁未翰林由御史官至湖北鹽法道同治壬申卒

於官署其子扶柩歸葬今年四月又聞其夫人之訃

昨歲孤燈泣玉闈今年地下喜眉齊分明同穴生前誓  
肯在人間耐獨棲

朱仔三觀察

諱厚基無錫人同治乙丑進士兵部辛未改湖北試用道壬申

卒於寓廬一子一女皆幼封翁游幕山東可哀也

素車白馬送君還聽說牛眠葬惠山堪歎呱呱兒女泣

白頭岱嶺淚痕潛

朱子欽武部

諱允成金華人未弱冠中道光丙午舉人官兵部郎中手度翩翩才

藝雙絕同治初年余在胡聞子欽謁其師曾文正公卒於金陵

綺年才藻擅名場私淑南豐藝瓣香一別燕臺成永訣

天涯南北話淒涼

王子壽比部

諱柏心監利人道光甲辰進士官刑部主事未一載歸田養親至講

荆南書院十餘年當道如胡文忠曾文正左相  
國皆以國士目之癸酉四月卒於荊州年七十  
有

四

驚代鴻才是瑞麟飄然長往厭紅塵故交零落晨星似  
又失荆南一老人

病中有感

一病兼旬日孱軀熱又寒撫衾應自責作嫁爲人難事  
向蒼天表心同白水看最憐風雨夕喚渡到江千  
作官如寄隱先破利名關知足心常坦隨緣遇不慳閒  
多因血熱宦冷得身閒空負凌雲志飛同倦鳥還

和徐海年瀛觀察八十自壽詩原韻奉祝

龍馬精神大耋年者英結社定前緣醉鄉早已推顛旭  
經筭今猶似嬾邊仙骨幾生修紫府吏才卅載噪青天  
遙知黃鶴西樓月分得清光滿壽筵

泮水重遊列上庠文章綺歲媿班揚靈鍾江漢星辰聚

籍汪蓬萊姓氏香道光戊戌庶常改官知縣宰廣東英德升浙江江蘇知府鵲起聲

名齊李杜鴻鸞門第壓金張玉堂出守尋常事難得龔  
黃報最良

蒼狗浮雲事已陳歸來林下著閑身清風明月原無價

循吏儒林大有人，慣產芝蘭皆妙品。愛栽桃李證前因。

王晴川書院講席

山中甲子渾忘卻，一點梅花不老春。

魯殿靈光歸獨存，奇文許我共探論。太邱道廣貽家慶，陽羨田多拜主恩。閱世滄桑歸夢影，娛人花月伴晨昏。長生妙訣從公乞，可許追陪竹素園。

時將赴都暫別鄂中同人

回首春明十四年，繡衣曾惹

御爐烟自飄萍梗來

江畔每戀觚梭夢，日邊借箸愧無經世略

同治丙寅來鄂檄辦樵務

丁卯兼理書局

同舟賴有濟川賢

謂同事何白英張鹿仙兩觀察

聞鷄起學中

宵舞且共驂騑早著鞭

茫茫宦海浩無涯順逆隨風善主持漫效飛蛾趨火熱  
任嗤退鷁上灘遲病猶嗜咏緣成癖貧尚收書不碍癡  
寄語琴樽吟歎侶箇中況味各深知

蒲柳衰姿雨露稠

天恩高厚許恂畱

庚午歲蒙  
兩院奏畱奉

依議家山阻隔三千里塵海浮沈五十秋處世眞同蠶

裹繭辦裝尚待腋成裘私情怕對妻孥說善爲人謀拙  
己謀

又踏邯鄲道上塵黃梁一枕夢重新幾多好友難爲別

虛度韶華已負春  
楚國風烟催過客  
燕臺仕宦憶同人  
臨行好把歸期訂  
待放江梅問水濱

夏日卽事

自信冰心一片寒  
引風底用竹千竿  
卻憐赤日黃塵客  
觸犯炎威謁長官

臥看星河影動搖  
忽聞驟雨響芭蕉  
今宵貪得拈吟管  
香篆灰殘又細燒

月上迴廊星漸稀  
簷端蝙蝠忽驚飛  
夜深招得涼如水  
不掩牕櫺祇掩扉



一畝清陰冑碧柯虬枝屈曲疊藤蘿涼棚自具天然好  
遠勝豪家步障多

風動簾鉤自擊撞弄花蝴蝶一雙雙園林最好濃陰護  
數本芭蕉綠到窗

筠簾斐几竹方牀更有桐陰綠繞廊一卷詩餘纔校罷  
微風吹過蕙蘭香

清風一握颺簾旌老去光陰百感生差喜兒童通楚語  
讀書盡變故鄉聲

幽居喜近寺樓鐘綠映階前薜荔封畱客莫嫌蔬筍氣

夏來宜淡不宜濃

感懷東張樵野廉訪

勺水安能起涸鱗  
思思行色逼愁人  
身緣善病都成懶  
交爲通財漸不親  
仲叔豈容安邑累  
使君猶識長卿貧  
閒雲本自無心出  
空惹深山猿鶴嗔

余將赴都兩兒亦由鄂歸應鄉試作此以勗其行  
我將北上汝南旋異地分襟各一天未有涓埃酬紫  
禁須知科甲在青氍肩難息擔千鈞重人到中年百慮  
牽報道馬當風正順平明會見着先鞭

萬樹槐花滿路黃  
聯鑣歸去馬蹄香  
要從未渴先淘井  
休待臨寒始製裳  
望月應教千里共  
讀書且爲一秋忙  
雞蟲得失尋常事  
莫負分陰誚學荒

當年赤壁屢鏖兵  
棄甲歸來百感生  
身外無求忘富貴  
階前有草種科名  
鶯鳴山谷皆朋友  
草夢池塘有弟兄  
努力三條深夜燭  
春蠶食葉筆同聲

我未歸時汝早歸  
敢期一戰捷秋闈  
蛾眉入畫翻新樣  
燕子離巢學遠飛  
並第郊祁從古少  
能文軾轍況今稀  
不知走馬千門日  
可有泥金達帝畿

余擬於十月初出都